

جَزَائِرَ حَاكِمَتِ

جمعه ایرتسی

نومرو	جاذی الاولی	سنه	تشرین اول	سنه	صحیفه
۷۹۵	۱۱	۱۳۱۲	۲۹	۱۳۱۰	۱۱۸۳۷

(اشبو غزته بهر هفته جمعه ایرتسی کونلری چیقار . سنه لکی درسعاتد ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولوق اوزره یوز پاره یه هر یرده صاتیلور . درج اولنه جق)
 (اعلا ناک هر برندن برمجیدیه اخذ اولنور . سنه لکنه مشتری اولوق استیانیلر عدلیه نظارتی)
 (دائره سنده کائن جریده محاکم اداره سنه مراجعت ایلمیلدر)

قسمت سومی

(فی ۲۹ ربیع الآخر سنه ۳۱۲ وفی ۱۷ تشرین)
 (اول سنه ۳۱۰ تاریخنده بالمله ولایات استیناف)
 (محکمه سی مدعی عمومیلرینه ومدعی عمومی)
 (بولنیان محللر مدعی عمومی معاونلرینه یازیلان)
 (تخریرات عمومیه صورتیدر)

متعدد محللره کشیده اولنوق اوزره تلغراف
 خانه لره کوندربلان متحدا مال تلغرافنامه لر بشقه

بشقه کاغدلره تخریر اولنوقده بولنسندن طولانی
 هر تلغرافنامه آیری آیری معامله ایله چکلمکده
 وبوصورتله مأمورینک مشغولیتی تضاعف ایدرک
 اجنبی اداره وقومپانیسه لری خطرلندن امرار
 ایدیلانلر ایچون دخی فضله اجرت اعطاسندن
 طولانی خزینته جلیله متضرر اولوقده ایدوکنندن
 بختله بعد ازین بومثلاو تلغرافنامه لره آیری آیری
 کاغدلره تخریر اولنوماسی ضمننده تبلیغات عمومیه
 اجرایی تلغراف وبوسته نظارتک اشعارینه
 عطفاً توارد ایدن بیورلدی سامیده ازابار اولنمسی
 اوزرینه تعمیماً اجرای تبلیغات اولندینی داخلیه

نظارت جلیله سندن وارد اولان تذکره ده بیان
واشعار قلنمش و کیفیت لازم کلا نلره بیلدیرلش
اولمغه مأموریت بهیه لرجه بروجه محرر ایفای
معامله به دقت و اعتنا اولتمق و ملحقاته دخی تبلیغ
ایدلک اوزره اشبو تحریرات عمومیه نك نسخ
مطبوعه کافیه سی لفا تسیار قلندینی بیانیله .

(فی ۴ جمادی الاول سنه ۳۱۲ و فی ۲۲ تشرین)
(اول سنه ۳۱۰ تاریخده بالجه ولایات استیناف)
(محکمه سی مدعی عمومیلرینه و مدعی عمومی)
(بولنمان محللر مدعی عمومی معاونلرینه یازیلان)
(تحریرات عمومیه صورتیدر)

ولایات عدلیه انجمنلرنجه اجرا مأموریتی
ایچون اجرا قانان امتحانلرده مجله ایله اصول
محاکات حقوقیه دن ایراد اولنان اسلله نك اصول
انتخاب قانوننك اون برنجی ماده سی موجبجه
اجرایه متعلق اولماسندن و اوراق امتحانیله

زیرینك انجمن هیئتلری طرفندن امضا و تصدیق
ایدلامکده بولنمسنه نطولایی اکمال نواقص ضمنده
بومثالو اوراقك بالضروره محللرینه اعاده ایدلامکده
اولسی معاملاتك تأخیرینی استلزام ایدلامکده
بولنمسلیله بعدما اجرا مأموریتی ایچون امتحانی
لازم کلا نلرک مجله نك طقوز یوزطقسان سکرنجی
ماده سندن بیک ایکنجی ماده سنه قدر محرر
اولوب اجرایه متعلق اولان مسائل ایله اصول
محاکمه حقوقیه نك کذلک اجرایه متعلق بولنان
باب تاسعندن و اجرا قانونندن تکرار اولنان
اصول انتخاب قانوننك اون ایکنجی و اون
اوچنجی ماده لری احکامنه توفیقاً لاقفل دردر
سؤال ترتیب و ایراد و تحریراً و شفاهاً اجرای
امتحانلریله برابر حجز و اخبار نامه کی امور
مأموره لرینه متعلق اوراق رسمیه دخی تنظیم
ایتدیرلسی و هر بر ورقه امتحانیله زیرینك
صنعت مأموریتلری کوستریله رک هیئت طرفندن
امضا و تصدیق اولنسی لزومنك مراکز ولایات
عدلیه انجمنلرینه بیلدیرلسی هیئت میزه ریاست
علیه سندن بامذکره افاده اولنمش و کیفیت لازم
کلا نلره بیلدیرلش اولمغه اوراجده برمنوال
محرر ایفای معامله به دقت و اعتنا اولتمق اوزره

کیفیتك مرکز ولایت انجمن عدلیه سنه تبلیغی
بیانیه ابتدار قلندی .

قسم غیر رسمی

(محکمه استیناف تجارت قسمندن ۲۰ جزیران)
(سنه ۳۰۸ تاریخی و اوتوز یدی عددی ایله)
(ویریلان اعلامك مابعدی)

و مستدعی تمیز حسین حسنی افدینك اشبو حکم
علیهنده کی اعتراضاتك باشلوجه سی مومی ایله
علی رضا افندی ایله مدیون بیننده عقد رهن واقع
اولدینی حالده مرهونات مذکورنك کندوسنه
ویرللمسی حواله نك بطلانی و کندوسنك علی
رضا افندی به رجوعه حق اولدینی مؤید
اولدینی حالده استینافاً حکم محکمه کوستریلان
مجله نك التیوز طقوزنجی ماده سنه یا کاش معنی
ویریلرک اکا تطبیق حکم ایدلسی قانونه مغایر
بولندیغندن بمثلله اعلامك تقضی استدعاسندن

و عزیزعلیه علی رضا افندی و کیلی عوادیس قولولیان
افدینك نتیجه جوابی دخی حواله مذکورنك
مطلقه اولدینی تدقیقات واقعیه ایله ثابت اولمش
و حکم استینافی موافق قانون بولنمش اولدینی بیانیله
تصدیق طلبندن عبارت بولنمشدر .

ایجابی مذاکره اولندوقده اعلام مذکور
مندرجاتندن منضم اولدینی اوزره دعوی واقعنك
تیار و جیلقدن متولد اولیوب مومی ایله علی رضا
افندی ایله حسین حسنی افندی بیننده کی حواله نك
صحت و عدم صحتی کیفیتندن منبعث و بناء علیه رؤیت
وفضلی حقوق محکمه سنه عائد اولمسنه نظراً استینافاً
وظیفه مسئله سی نظر دقتیه الهرق اعلام ابتدائینك
بوجهتدن طولایی فسحیلله کیفیتك عائد اولدینی
حقوق محکمه سنه حواله سی لازم کلور ایکن
دعوانك رؤیت و اعلامه ربط ایدلسی وظیفه
خارجنده اوله رق اصول و قانونه مغایر اولدیغنه بناء
اسول محاکمه حقوقیه قانوننك ایکوز اوتوز
اوچنجی و ایکوز قرق برنجی ماده لری موجبجه
اعلام مذکورنك نقضیلله قانون مذکورنك ایکوز
قرق اوچنجی ماده سی حکمنه توفیقاً کیفیتك عائد
اولدینی حقوق محکمه سنه حواله سنه وزیرده
مفرداتی محرر درتیوز اون طقوز یچق غروش

مصارف تمیز به نك ایلروده حقسز چیه حق طرفه رجوع ایتك اوزره اول امرده مستدعی تمیز حسین حسنی افندیکن الخمسنة ۱۴ تشرین اول سنه ۳۰۸ تاریخنده متفقاً قرار ویریله رک تفهیم قلندی .

صوشری بدایت محکمه سندن ۳۰ حزیران سنه ۳۰۶ تاریخی والتمش اوج عددی ایل ویریلان اعلامك تمیزی صوشرینه تابع قوم غیر محصور کمن قریه سی اهالیسی باعرض حال استدعا بتدکری حالده یوم معینده دائره به کدکرنندن میز علیه یورک قریه سی اهالیسندن اولوب درسعادته طاووق بازارنده اتمکچیلر قهوه سنده مسافرة مقیم غزارک ایضاحات شفاهیه سیله باش مدعی صومى معاونلرندن سعادتلو یورغاکی افندیکن مطالعه سی استماع قلندی .

اعلام مذکورک خلاصه مالی قریه مذکوره اهالیسنگ قریه لری جوارنده کائن باطابو متصرف اولدقلری معلوم الحدود طولی وحسین اغا یوردی

و شمسی انا و فاطمه انا دیمکله معروف مرعی و یا اقلرینه مرقوم غزار طرفندن وقوعولان مداخله نك منعی طلب ودعوی و صورت تصرفلری مین بر قطعه حجت شرعیه ایل اوج قطعه طابو سندی ابراز واعطا ایتمشلر ایسه ده محکمه مذکوره جه اراضی مذکوره مدعی علیه غزار ایل رفیق عوادیسك عهدۀ تصرفنده اولدینی مبرز طابو سندی مندرجاتیله تحقق ایتسنه مبنی مجله نك بیک یدییوز اوتوز یدنجی ماده سی موجبجه اهالی مذکورۀ نك بیوجه معارضه دن منفه حکمدن و مستدعی اهالی مرقومه نك اشبو اعلام علیه نده کی اعتراضاتك باشلوجه سی اراضی منازع فیهانك محلنده کشفی اجرا قلماسی و ختام استیضاحدن صکره ختام محاکمه نك طرفینه تفهیم اولنه جنی اصول محاکمه اقتضاسندن بولدینی حالده بو دقیقه قانونیه به دخی رعایت اولنماسی مفایر قانون اولدیفندن بحله اعلامك تقضی استدعاسندن ومدعی علیه غزارک نتیجه جوابی دخی اعتراضات مذکوره نك واهی اولدینی بیانیله موافق اصول وقانون اولان اعلامك تصدیق طلبندن ومعاون مومی الیهك مطالعه سی دخی اهالی قریه نك قوم محصور اولوب اولدیفنك تحقیقيله قانون دائره سنده تشکیل طرفین ایدلماش ولاجل الاجتماع

طرفیندن ابراز اولنسان اوراقك محلنجه کشف اجرا سیله تطبیقات اجرا اولنه رق تعمیق کیفیت ایدلمسی لازم کلورایکن بو یوله اجرای تدقیقات ایدلماش اولسنه مبنی اعتراضات واقعه نك موافق قانون اولدینی بیانندن عبارت بولمشدر .

ایجابی مذاکره اولندقه مندرجات اعلامدن مستفاد اولدینی اوزره دعوی واقعه عموم قریه اهالیسنه متعلق اولسنه کوره اهالی مرقومه نك قوم محصور اولوب اولدقلری تحقیق اولنه رق اکا کوره قانون دائره سنده تشکیل طرفین اولنسی لازم کلورایکن بو یوله تدقیقات اجرا سیله تشکیل طرفین ایدلماش و اثنای محاکمه ابراز اولنان سندلرک منازع فیه اراضی به مطابق اولوب اولدقلری ضمننده اصول محاکمه نك التمش اوجنجی ماده سنه توفیقاً محل منازع فیهک اجرای کشفیله تبیین ایدجك حاله کوره ذات مصلحته حکم اولنمق مقتضی اولدینی حالده بوجهندن دخی ذهول اولنسی و مجله نك بیک یدییوز اوتوز یدنجی ماده سنده محرر قیود خاقانیدن مقصد بوندن بر قاج یوزسنه اول مؤتمن وموئوق محرر لر معرفیه تحریر وتنظیم ایدیلهرک محل مخصوصنده محفوظ

بو صورتله شبهة نزویر و تصنیعدن سالم بولنان دفاتر معتنبا قیودی اولدینی حالده محکمه جه ماده مذکوره به یا کلاش معنی ویریلهرک طابو سندینه بنای حکم ایدلمسی و محاکمه نك ختام بولدینی طرفینه تفهیم قلماسی مخالف اصول وقانون اولدیفنه ومعاون مومی الیهك مطالعه سی دخی موافق نفس الامر کورلدیکنه بنیاء اصول محاکمه حقوقیه قانوننك ایکوز اوتوز ایکنجی وایکیوز قرق برنجی ماده لری موجبجه اعلام مذکور تقضیه وقانون مزبورک ایکوز قرق دردنچی ماده سی موجبجه کیفیتک بالرویه اعلامه ر بطی ضمننده محکمه مذکوره به اعاده سنه وزیرده مفرداتی مرقم درتیوز یکرمی درت بیق غروش مصارف محاکمه نك ایلروده حقسز چیه جنی طرفه رجوع ایتك اوزره اول امرده مستدعی اهالی مرقومه دن الخمسنة ۹ ایلول سنه ۳۰۸ تاریخنده متفقاً قرار ویریلهرک تفهیم قلندی .

اسکدار بدایت محکمه سندن ۸ قانون اول

سنه ۳۰۶ تاریخی و اوچیز او تون سکر عددی
ایله ویریلان اعلامک تمیزینی استمدایدن
قاضی قریه سنده موده بروننده روم مکتبی اتصالده
کائن خانه سنده ساکن یوان قلفه یوم معینده
کلمه یکنندن تمیز علیه آرنبود کوبنده ایا کریاکی
محل سنده مقیم دیوارجی نیقوله ولد طناشک
ایضاحات شفاهی سی استماع قلندی.

اعلام مذکورک خلاصه مالی مرقوم نیقوله
کندوسنک یوان قلفه ذمتنده مطلوبی اولان
طقوز یوز اون طقوز غروشک مع فائض تحصیاتی
طلب و دعوی واجرت یومیه و خدمت سائر
بدلندن طولایی دیوارجی طناش طقوز یوز اون
طقوز غروش بوری اولدینی مین یوان قلفه
امضاسیله مضی برقطه سند اعطا اتمی و تعیین
قلنان کونده مدعی علیه یوان قلفه نک اجابت
ایتمی اوزرینه وکیل مسخر تعیینیه اجرا
قلنان محاکمه و تدقیقات نتیجه سنده مرقوم یوان
قلفه نک سند مذکورده مندرج اقرار بالکتابه سی
موجبجه مبلغ مذکورک مع فائض تحصیله
حکمدن و مستدعینک اشبو حکم علیهنده باشوجه
اعتراضاتی ابراز اولنان سند دیوارجی طناش نامنه
محرر ایکن بوراسنک نظر دفته التماسی و طناش

ایجابی مذاکره اولندقدده اعلام مذکور
مطالعہ سندن اکلاشلدینی اوزره مرقوم نیقوله
جانبدن ابراز اولنان دین سندی طناش نامنه محرر
وسندده امر وحواله یه دائر برقره بولنامسینه
نظراً محکمه جه مدعی مرقوم نیقوله دن مبلغ
مذکورکی نه جهندن طولایی طلب ایتمکده اولدینی
استفسار ایله تصحیح دعوی ایتدیرلدکن صکره
تین ایدجک حاله کوره حکم اولنق اقتضا ایدر
ایکن بودائرة قانونیه ده اجرای معامله ایدلمکسزین
مبلغ مذکورک سندده نامی محرر اولیان مرقوم
نیقولایه اعطاسینه حکم اولنمی یولسز و نقصانی
تدقیقاته مبتنی بولنش ایدوکنه بناء اصول محاکمه
حقوقیه قانوننک ایکوز او تون ایکنجه ماده سی
موجبجه اعلام مذکورک نقصنه وزیرده مفرداتی
مرقم اوچیز الی درت یجق غروش مصارف

محاکمه نک ایلروده حقسز جیقه جق طرفه رجوع
ایتمک اوزره اول امرده مستدعیدن اخذینه
۲۹ تموز سنه ۳۰۷ تاریخنده متفقاً قرار
ویریلرک تفهیم قلندی.

محکمه استیناف تجارت قسمندن ۴ آغستوس
سنه ۳۰۵ تاریخی والی بر عددی ایله ویریلان
اعلامک تمیزینی استمدایدن طرابلس غرب
ولایت جلیله سی مکتوبی قلمی تمیزی عزتو محمدی
هادی افندی وکیلی یوسف خاج افندی ایله تمیزی علیه
طرابلس غرب اهالیسندن اولوب در سعادته
تحت القاعده ده مقیم حاجی عبده طهار افندی وکیلی
اسکندر طراد افندی یوم معینده دائره کلدکلرندن
ایضاحات شفاهی لری استماع قلندی.

اعلام مذکورک خلاصه مالی مومی الیهما
محمد هادی و طهار افندیار بیننده متکون دعوان
طولایی محکمه استیناف تجارت قسمندن غیاباً
صادر اولان اعلام علیهنده هادی افندی طرفندن

اعتراض علی الحکم عرضحالی اعطا قلنش ایدسه ده
عرضحال مذکور اصول محاکمه حقوقیه قانوننک
یوز الی بشنجه ماده سی موجبجه طوغریدن
طوغری به حکم غیابی یی اعطا ایدن محکمه یه
ویریلرک طرابلس غرب تجارت محکمه سنه ویرلش
و عرضحال مذکورک محکمه مذکوریه اعطاسی
تاریخی معتبر اولیوب محکمه استینافیه یه ورودیه
قیدینک اجرا قلندینی تاریخک مدت قانونیه مبدأ
اتخاذ اولنه جنی درکار بولنش و اعلام مذکورک
تاریخ تبلیغیه عرضحال مذکورک اولوجهله
محکمه استینافیه یه ورود و قیدی تاریخی میاننده
کدران ایدن ایام لای الحساب مدت اعتراض اولان
او تون برکوندن زیاده اولدینی تصادق طرفین ایله
تدقیقات واقع دن اکلاشلمش اولدیفنه بناء
اصول محاکمه حقوقیه قانوننک یوز الی اوچنجه
ویوز سکسان یدنجی ویوز طقسان بشنجه ماده لری
احکامنه توفیقاً مذکور عرضحالک ردینه حکمدن
و مستدعی تمیز هادی افندی وکیلنک اشبو حکم
علیهنده کی اعتراضاتنک باشلوجه سی موکلنک
اقامتگاهی طرابلس غرب اولمسيله بومثل و در سعادته
بعید اولان محاکمک بعد مسافه سنه کوره اعتراض
علی الحکم مدتک تمیدی حکم قانون اقتضاسندن
اولدینی حالده عند الاستیناف بوجهته دقت

اولنامه‌ی قانونه مغایر اولدیفندن بختله اعلام مذکورک تقضی استدعاسندن و بمیز علیه طهار افندی و کیلی اسکندر طراد افندیکنک نتیجه جوابی دخی اعتراض عرضحالک مدت قانونیه ظرفنده حکم غیابی بی ورن حکمه به اعطاسی قانوناً مقتضی و عرضحالک محکمه به قیدی تاریخی معتبر اوله جنی امر جلی بولندینی جهتله اعتراضات مسرووده‌نک ردیه اصول و قانونه موافق اولان اعلامک تصدیق طلبندن عبارتدر .

ایجابی مذاکره اولندقدده اعلام مذکور مندرجاتندن منقهم اولدینی اوزره عندالاستیناف مومی الیه هادی افندیکنک اعطا ایلدیکی اعتراض علی الحکم استدعاسنک مدت قانونیه‌نک مرورندن صکره ویرلدیکی بیانیله ردینه قرار ویرلمش ایسه‌ده معترض مومی الیه هادی افندیکنک محل اقامتی طرابلس غربده اولمسنه و بومثللودر سعاده بعدیتی درکار اولان محالیرک بعد مسافه‌سنه کوره بهر الی ساعت ایچون برکون ضم و علاوه سیله مدت قانونیه‌نک اکاکوره حساب و تمید ایدلمسی لزومی اصول محاکمه حقوقیه قانوننک یوز الی بشنجی ماده‌سنک قفیره اخیره‌سی حکمی اقتضاسندن بولنمسنه نظراً محکمه استینافیه‌جه بوجهت نظر

دقته التمهیرق عرضحال مزبورک ردینه قرار ویرلمسی قانونه مغایر و مستدعی وکیلنک اعتراضی دخی بوجهته متدائر اوله‌رق موافق نفس الامر کورندیکندن قانون مذکورک ایکوز اوتوز ایکنجی ماده‌سی موجبجه اعلام مذکورک تفضیله ایکوز قرق دردنچی ماده‌سی حکمه توفیقاً کیفیتنک یکیدن بالرؤیه اعلامه ربطی ضمننده قسم مذکوره اعاده‌سنه وزیرده مفرداتی محرر درتیوزاون طقوز بحق غروش مصارف تمیزیه‌نک ایلروده حقسز چیه‌حق طرفه رجوع ایتک اوزره اول امرده مستدعی تمیزهادی افندیکنک النسنه ۲۴ تشرین ثانی سنه ۳۰۸ تاریخنده متفقاً قرار ویریه‌رک تفهیم قلندی .

صندری بدایت محکمه‌سندن ۲۹ کانون ثانی سنه ۳۰۶ تاریخی و اوتوز بش عددی ایل ویریلان اعلامک تمیزینی صندری قصبه‌سنک روم محله‌سنده مقیم صوه اوغلی قسطنطینی با عرضحال استدعا ایتدیکی حالده کمدیکندن میز علیه بالیکسری قصبه

سنک روم محله‌سنده ساکن تجارتدن صراف اوغلی یوسفکی افندیکنک یوم معینه ایضاحات شفاهیه‌سی استماع قلندی .

اعلام مذکورک خلاصه‌مالی مرقوم یوسفکیکنک برقطعه سند موجبجه مرقوم قسطنطینی ذمتنده جهت کفالتدن غیر ازاستیفامطلوبی بولنان الی بیک غروشک تحصیل و تأمین استیفاسی ضمننده مدیون مرقومک عهده تصرفنده بولنان معلوم الحدود قرون عرصه‌سنه موضوع جزک تصدیق طلب و دعوی و اثبات مدعی ضمننده سند مذکوری ابراز واعطا ایتسنه قارشو مرقوم قسطنطینی سند مذکورده محرر امضاسنی اقرار ایله مبلغ مدعی به محسوباً تسلیماتی بولندینی بالیان بونی دفتر ایله اثبات ایلجه‌جکنی مدافعه تذکار ایللمش ایسه‌ده اکال محاکمه ضمننده تعیین اولنان کونده محکمه مباشری واسطه سیله اولنان دعوتیه اجابت ایتدیکندن مرقومک غیابنده وکیل مسخر تعیینیه اجرا قلنان محاکمه و تدقیقات نتیجه‌سنده مبلغ مزبورک مع فائض بالغ اولدینی الی بیک یدییوز بر بحق غروشک مجله نک التیوز قرق دردنچی ماده‌سی موجبجه مرقوم قسطنطیدن تحصیلنه حکمدن و مستدعی قسطنطینک اشبواعلام

علیه‌نده کی اعتراضاتنک باشلوجه‌سی کندوسی تسلیمات واقع‌سنی اثباتدن اظهار عجز ایللمسی اوزرینه طالب تحلیف دخی اولدینی حالده محکمه‌جه خصمنه یمین ویردیرللمسی مغایر قانون اولدیفندن بختله اعلامک تقضی استدعاسندن و مدعی علیه وکیلنک نتیجه‌جوابی دخی اعتراض مذکور واهی و حکم مذکور موافق قانون بولندینی بیانیله اعلامک تصدیق طلبندن عبارت بولنمشدر .

ایجابی مذاکره اولندقدده اعلام مذکور مطالعه‌سندن منقهم اولدینی بدایه مدعی بولنان مرقوم یوسفکیکنک ادعاسنه قارشو مرقوم قسطنطینک ادعا ایلدیکی تسلیماتنک اثباتی ضمننده اکال محاکمه یوم آخره تعلق ایدلمسنه کوره اصول محاکمه حقوقیه قانوننده کوستریلان تعریفات قانونیه وجهله طرفینه دعوتیه ورقه‌سی بالتسطیر اولوجهله جلب و دعوت اولنق لازم کلور ایکن محکمه‌جه بویولده معامله دعوتیه اجرا ایدلیه‌رک محکمه مباشرینک قول مجردیه مرقوم قسطنطینک متمرده اوله‌رق غیاباً محاکمه اجرا اولنمسی مغایر اصول و قانون اوله‌جفته بنسأ اصول محاکمه حقوقیه قانوننک ایکوز قرق برنجی ماده‌سی موجبجه اعلام مذکورک تقضیه و قانون

مذکورک ایکیوز قرق دردنجی ماده سی حکمنه
توفیقاً کیفیتک یکیدن بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی محرر
درنیوز یکریمی درت بحق غروش مصارف محکمه
نک ایلروده حقسز چیقہ جق طرفه رجوع ایتک
اوزره اول امرده قسطنطیندن المنسنه ۲۴ ایلول
سنه ۳۰۸ تاریخنده متفقاً قرار ویریلرک تفهیم
قلندی .

ایواجق بدایت محکمه سنندن ۲۷ نیسان
سنه ۳۰۴ تاریخ و التي عددی ایل ویریلان
اعلامک تمیزی استدا ایدن ایواجق قضاسنک
نارلی قریه سننده ساکن اسبق اورمان مأوری
محمود افندی ایلہ میز علیہ قضاء مذکورک پاپاسلق
قریه سننده مقیم از میرلی علی منلا تعین قلنان
کونده دائره به کمدکرندن اصول محاکمه حقوقیه
قانوننک ایکیوز یکریمی طقونجی ماده سی موجبجه
ندقیقات تمیزیه اجراسنه ابتدار قلندی .

اعلام مذکورک خلاصه مآلی مرقوم علی منلاک

مومی الیه محمود افندی ذمتنده جهت کفالتدن
محکوم به الاجفی اولان یوز اون دستی روغن
زیتک تأمین استیفاسی ضمننده مومی الیه محمود
افندینک مغازه سننده مدخر روغن زیت ودانه .
لرینه وضع ایتدیکی حجزک تصدیقنی متضمن
ایواجق بدایت محکمه سنندن صادر اولان اعلام
غیابی علیهنده مومی الیه محمود افندی جانیندن
اعتراض علی الحکم عرضحالی اعطا ایدلمش ایسده
محکمه جه استدعای مذکورک مدت نظامیه سنک
مرورندن صکره اعطا اولدینی تبلیغ علم و خبری
تاریخندن اکلایدیفندن بحثله اصول محاکمه نک
یوز الی اوچنجی ماده سی موجبجه مذکور
اعتراض علی الحکم استدعاسنک ردینه حکمدن
و مستدعی محمود افندینک اشبو اعلام علیهنده کی
اعتراضاتنک باشلوجه سی حکم اولنان دعوانک
علل و اسباب ایلہ مستند اولدینی مواد قانونیه سی
اعلامده تصریح و بیان اولنق قانوناً مقضی ایکن
محکمه جه اعلامک فقره حکمیه سننده بوکا دائر بر
صراحت کوسترلامسی مغایر قانون اولدیفندن
بحثله اعلامک نقضی استدعاسنندن ومدعی علیہ
علی منلاک نتیجه جوابی دخی اعتراضات واقعه
واهی و حکم اعلام موافق اصول بولدینی بیانیه

اعلام مذکورک تصدیق طلبندن عبارت
بولمشدر .

ایجابی مذاکره اولدقدہ اعلام مذکور
مطالعہ سنندن منقہم اولدینی اوزره محکمه جه
اعتراض علی الحکم استدعاسنک ردینه قرار ویر-
یلرک بونک مبنی علیہی اولق اوزره استدعای
مذکورک محکمه به تاریخ اعطاسی بیان وتصریح
قلنمش اولوب حالبوکه اشبور رد استدعا قرارینک
یولنده اولوب اولدینی تبلیغ علم و خبری تاریخیه
منقہم اوله جفی درکار و بناء علیہ علم و خبر مذکورک
دخی تاریخیه برابر اعلام مذکورہ درج ایدلمسی
لزومی بدیهی و آشکار ایکن محکمه جه بالکمز
استدعانک قیدی تاریخنی تصریح ایدیلرک علم و خبر
مذکور تاریخنک اعلام میز به درج و تنقیق
قلنامسی مغایر اصول اولدیفنه بناء اصول محاکمه
حقوقیه قانوننک ایکیوز قرق برنجی ماده سی
موجبجه اعلام مذکورک نقضیه قانون مزبورک
ایکیوز قرق دردنجی ماده سی حکمنه توفیقاً
کیفیتک یکیدن بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی
مرقم درنیوز درت بحق غروش مصارف محاکمه
نک ایلروده حقسز چیقہ جق طرفه رجوع ایتک

اوزره اول امرده مستدعی محمود افندیدن
المنسنه ۱۹ ایلول سنه ۳۰۸ تاریخنده متفقاً قرار
ویرلدی .

اشتب بدایت محکمه سنندن ۲۷ تموز سنه ۳۰۷
تاریخی و قرق عددی ایلہ صادر اولان اعلامک
تمیزی استدا ایدن اشتب قصبه سنک بکر بک
محله سننده مقیم اصحاب علاقه دن قره چناق
صالح اغا یوم معینده دائره به گلش ایسده مدعی
علیه قصبه مذکورہ نک کرام الدین محله سننده ساکن
محمود افندی کمدیکندن بالکمز مستدعی مرقومک
ایضاحات شفاهیه سیله باش مدعی عمومی معاونلر-
ندن سعادتلو یورغاکی افندینک مطالعه سی استماع
قلندی .

اعلام مذکورک خلاصه مآلی قصبه مذکوریه
تابع شهر کوش قریه سی اهاالیسنک حیوانانسه
مخصوص مرعا اولدینی کشف و تحقیقات وتواتر
استماع اولنان شهودک شهادتلیله تحقیق ایدن محک
باطاپو عهده نصر فنده اولدینی حقنده مرقوم

بیانندن عبارت بولمشد.

ایجابی مذاکره اولدوقده اعلام مذکور مندرجاتندن منضم اولدینی اوزره دعوی واقعه اهالی قریه به مخصوص مرعیه متعلق اولسنه کوره محکمه جه اول امرده قریه مذکوره اهالیسنک قوم محصور اولوب اولدقلرینک تحقیقی ایله قانون دائره سنده تشکیل طرفین ایدلبدن و مجله نک بیک یدیوز الی دردنجی ماده سی موجبجه ذی الیدک بالینه اثبات ایتدیرلبدن صکره محاکمه و تدقیقات اجرا قلمسی لازم کلور ایکن بونقاط قانونیه به رعایت اولنامسی ودرجه تواترده استماع اولنان شهودک لاقل یکریمی بش کشیدن عبارت اولسی اصول متخذه مقتضاسندن اولدینی حالده یکریمی ایکی نفرینک شهادت واقعه لرینک مرتبه تواترده عد اولتمسی و محل منازع فیه تصرفی مین مدعی علیه مرقوم صالح اغا طرفندن انسانی محاکمه ده ابراز اولنان طایو سنیدینک بر ماده قانونیه به استناد اولتمسین احتیاجه صالح اولدینک بیانیه ابطاله قرار ویرلمسی بولسز وقانونه مغایر و مستدعیکن اعتراضاتبله معاون مومی الیهک مطالعه می موافق نفس الامر ایدوکنه بناء اصول محاکمه حقوقیه قانوننک ایکوز اوتوز

صالح اغا جانبندن درمیان اولنان مدافعه نک ردیه اغای مرقومک مذکور مرعیه واقع اولان مداخله سنک منعه حکمدن و مستدعی تمیزک اشبو حکم علیهنده کی اعتراضاتنک باشلوجه سی قریه مذکوره اهالیسنک قوم محصور اولوب اولدقلرینک تحقیقیله مومی الیه غمخود افندینک صفتنک تعیین ایدلامسی و ذی الیدک بالینه اثبات ایتدیرلامسی بولسز وقانونه مغایر اولدینندن بخله اعلامک نقضی استدعاسندن و بمنز علیهک لایحه سنده محرر نتیجه جوابی قریه مذکوره اهالیسی قوم غیر محصور اولدقلرندن دیگر لرینک اشتراکنه مراجعت اولتمسین کندو طرفندن اقامه دعوی اولتمش و دعوی واقعه غصب قیلندن اولغله ذی الیدک ثبوتنه حاجت کوریه مامش اولسنه مبنی اعتراضات مسروده نک ردی و اصول وقانونه موافق اولان اعلامک تصدیق طلبندن و معاون مومی الیهک مطالعه سی دخی قریه مذکوره اهالیسنک قوم محصور اولوب اولدقلرینک تحقیق و ذی الیدک ماده سنک حلیله قانون دائره سنده تشکیل طرفین ایدلامش و مدعی علیهک یدنده بولنان طایو سنداتنک ابطاله اساس اوله رق بر ماده قانونیه کوسستملاش اولسنه مبنی اعتراضات واقعه نک موافق قانون اولدینی

ایضاحات شفاهیله لر استماع قلدنقدن صکره تدقیقات تمیزیه اجراسنه ایتدار قلدی .

اعلام مذکورک خلاصه مالی مومی الیه سلیم بیک چور باجکی نوری افندی ایله عقد ایلدکاری صابون و سائر شرکتی محاسبه سندن نوری افندی ذمتنده تین ایدن یوز اوج بیک کسور غروش مطلوبی حقنده اول و آخرویریلان اعلاماتک فسخ اولتمسی اوزرینه مومی الیه سلیم بیک بتکرار قندیه بدایت محکمه سنه مراجعتله مبلغ مذکوری مقدما کندوسنه حکم ایدن میزله اعلامنک صدوری تاریخندن اعتباراً مع فائض موقت اجرا ایله برابر طلب و دعوی ایتمسندن ناشی محکمه مذکوره دن مقدما صادر اولان بیک سکز یوز سکسان یدی تاریخی و سکسان سکز نومرولی بر قطعه اعلام منطوقجه دعوی واقعه نک طرفیندن تعیین اولنه حق میزله معرفتله تدقیق ورؤیتی قرار کیر اولدینی حالده مدت معینه ظرفنده مدعی علیه نوری افدینک بمنز ایتمسندن امتناع ایتمسینه محکمه جه تعیین قلسان میزله جانبندن رؤیت اولنان محاسبه نتیجه سنده مدعی علیه نوری افدینک یوز اون ایکی بیک اوتوز اوج غروش دینی اولدینی تحقق ایتسنه مبنی مبلغ مذکورک

ایکینجی و ایکوز قرق برنجی ماده لری موجبجه اعلام مذکورک نقضیه قانون مذکورک ایکوز قرق دردنجی ماده سی موجبجه کیفیتک یکیدن بالرؤیه اعلامه ربطی ضمتنده محکمه مذکوره به اعاده سنه وزیرده مفرداتی مرقم درتیوز درت بچق غروش مصارف تمیزیه نک ایلروده حقسز چقه حق طرفه رجوع ایتک اوزره اول امرده مستدعی مرقوم صالح اغادن سنه ۲۸ تشرین اول سنه ۳۰۸ تاریخنده منفقاً قرار ویریله رک تفهیم قلدی .

کرید استیناف محکمه سندن ۱۵ تشرین اول سنه ۳۰۷ تاریخی و درتیوز اوتوز عددی ایله ویریلان اعلامک تمیزینی استدعا ایدن قندیه اهالیسنندن چور باجکی نوری افندی و کیلی توفیق بک ایله مقابله تمیز استدعاسنده بولنان قندیه ده مقیم ذکریانداکی سلیم بک و کیلی الیاس و سام افندی بوم معینه دائره به کلد کلرندن

مع فائض مومی الیهدن تحصیلیله شرکتک ذم
 ناسده بولنان مطلوباندن سکنز بیک طقوز یوز
 یکر می طقوز غروش اون پاره نک مدعی علیه
 نوری افندی به و بش بیک اوتوز ایکی یحق غروشک
 مدعی سلیم بکه عائد اولسنه دائر صادر اولان
 اعلام علیهنده مومی الیه نوری افندی جانبدن
 تصدی اولنان استیناف دعواسنک جریان ایدن
 محاکمه و تدقیقات نتیجه سنده حکم ابتدائیک اکثر
 جهتلرینک فسخیله طرفینک وضع ایلدکری سرماییه
 ایله کار و تمعدن مقبوضاتی لدی الحساب سلیم
 بیک الاجنی بولنان اون طقوز بیک التیوز یکر می
 ایکی یحق غروشک تاریخ استدعادن اعتباراً
 مع فائض تحصیلی ضمننده مومی الیه نوری افندی
 درت ماه مدت حبس ایله جبر و تضییق اولنسنه
 و ذم ناسده بولنان شرکت مطلوباتی ایله ساهی بک
 نزدنده مودوع اولان مبلغک مجموعی بولنان
 یکر می بش بیک التیوز قرق یدی غروشک
 بوجه مناصفه سلیم بکله نوری افندی به عائد
 اولسنه و طرفینک تدقیق محاسباتسنده امک و خدمتی
 سبق ایدن محکمه باش کاتبی عنکلوس غله کیندی
 افندی به بشر ایرا اعطا ایلملری لزومنه و مصارف
 محاکمه نک طرفیندن مناصفه اخذ واستیفاسنه

حکمدن و مستدعی نوری افندی و کیلی توفیق
 بیک اشبو حکم علیهنده درمیان ایلدیکی باشلوجه
 اعتراضی شرکتک حاصل ایده چکی ربیج صورت
 تقسیمه دائر بین الشریکین برکونه شرط و مقاوله
 نامه و قوعبولدینی و بومقوله شرکتلر مجله نک
 بیک اوچیوز اوتوزالتنجی و بیک اوچیوز اوتوز
 یدنجی ماده لری موجبجه باطل اولوب ربیج
 سرماییه لری نه کوره تقسیمی لازم کلدیکی حالده
 محکمه استینافیله جه ربیج واقعک وهنوز مقوم
 اولیان ذم ناسده کی مطلوب بانک مناصفه تقسیمه
 حکم ایدلمسی و ختام محاکمه نک تفهیم قلنامسی مغایر
 قانون اولدیغندن بمحله اعلام مذکورک نقضی
 استدعاسندن و مدعی علیه سلیم بک و کیلی الیاس
 رسام افندی نک نتیجه اجوبه اعتراضیه سی دخی
 بوایشه دائر مقدما کرید استیناف محکمه سندن
 و بریلوب موکلنک تمیز ایتیش اولدینی ۱۳ ایلول
 سنه ۳۰۲ تاریخی و یوز یتیش ایکی نومرولی
 اعلام محکمه تمیزجه در دست تدقیق اولوب
 اعلام مذکورک نقضی حالنده اشبو اعلامک تدقیقنه
 محل قائمیه جنی و ذم ناسده کی الاجنک مناصفه
 تقسیمه موکلی دخی راضی اولدینی بیانیله اعلام
 مذکورک بوجهندن طولانی نقضی طلبندن

عبارت بولنمشدر .

ایجابی مذاکره اولدقدده اعلام مذکور
 مالدن اکلاشلدینی اوزره کرید محکمه استینافیله
 سنججه قرار ابتدائیک فسخیله برمنوال محرر
 حکم اولنمش ایسده اعلام مذکور صدورندن
 اول بوایش حقنده بدایه صادر اولان اعلام
 علیهنده مومی الیه نوری افندی جانبدن اعطا
 قلنان استیناف استدعاناامه سنک مدت استینافیله نک
 مرووری حسدیله رد ایدلدکن صکره بشکرار
 محکمه استینافیله جه اساس دعوانک بالرؤیه اعطا
 قلوب مومی الیه سلیم بک جانبدن تمیز ایدیلان
 ۱۳ ایلول سنه ۳۰۲ تاریخی و یوز یتیش ایکی
 نومرولی برقطعه اعلام استینافک دائره جه اسباب
 قانونیه دن طولانی نقض ایدلدیکی بالتدقیق
 اکلاشلمش و شوالده استیناف استدعاناامه سنک
 ردینی متضمن اولان محکمه مذکوره نک ۲۲ مارت
 سنه ۳۰۲ تاریخی و یوز یتیش بر نومرولی اعلام
 کسب قطعیت ایلمش اوله جفتندن تمیزی طلب
 اولنان اشبو ۱۵ تشرین اول سنه ۳۰۶ تاریخی
 و درتیوز اوتوز نومرولی اعلام حکمسز بولنمش

اولدیغنه بنسأ اصول محاکمه حقوقیه قانوننک
 ایکیوز اوتوز ایکنجی ماده سی موجبجه اعلام
 مذکورک نقضه وزیرده مفرداتی مرقم درتیوز
 اوتوز درت یحق غروش مصارف تمیزیله نک
 مستدعی سلیم بکدن اخذینه ۱۰ کانون اول
 سنه ۳۰۸ تاریخسنده اکثریت آرا ایله قرار
 و بریلهرک تفهیم قلندی .

اعلان

متوفی حاجی علی اغاورثه سنک حاجی اصنافندن
 اسماعیل حق بک ذمتنده قسمت عسکری
 محکمه سندن ویریلان ۱۶ شوال سنه ۳۰۴
 تاریخی برقطعه ادانه جتی موجبجه الاجنی اولان

مبالغ معلومه نك تأمين استيفاسي ضمنتده مديون
مومي اليهك عهده سنده اولوب مرهون وفروختي
محكوم بولنان استا نبولده حاجي اوغلي علاء الدين
محل سنده واقع قرق سكر نومرو ايله مرقم محترق
جايحي دكاني دروننده موجود كدكك تلك حصه
شايه سنيك اشبو تاريخ اعلاندن اعتباراً اون بش
كون صكره فروخته تشبث اولنه جفتدن طالب
اولنلرك بي سورمك وبوندن دها زياده معلومات
المق استيانلرك مدت مذكوره ختامندن صكره
درسمادت اعلامات شرعيه اجرا دائره سنده
مراجعت ايلملري .

في ۲۷ تشرين اول سنه ۱۳۱۰

ذمنتده دوه لو بدايت محكمه سي اعلاميله الاجني
اولان مبالغك تأمين تسويه سي ضمنتده حجز
وفروختي محكمه مزبور رياستندن اشعار اولنان
بلاطده حاجي عيسي محل سنده لبلجييلر جاده سنده
واقع تخميناً قرق سكر آرشون عرصه اوزرينه
مبنى وقلعه زمين محلي مشتمل اخشاب بر باب
دكانك ملك وكديله قلعه زمينك يوز يكرمي
سهم اعتباريله مرقوم انسطاشك عهده سنده
بولنان قرق سهمك اوج حصه اعتباريله
مز بوره نك انتقالاً متصرفه اولديني بر حصه سنيك
تاريخ اعلاندن اعتباراً اون بش كون صكره بالمزايده
فروخته تشبث اولنه جني درسمادت اعلامات
نظاميه اجرا دائره سندن اعلان اولنور .

عرب زاده حاجي حسن افندي نك بالدير
اوغلي انسطاش قزي اليه نام ديكر اليساديت